



შპს „თეგეტა აკადემია“

თბილისი

15/08/2018

ბრძანება N 09

შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების წესის დამტკიცების შესახებ

02.11.2017 წელს დამოწმებული (სანოტარო მოქმდების რეგ. N: A171287872) შპს „თეგეტა აკადემიის წესდების“ 7.1, 7.3 და 7.7. მუხლების შესაბამისად,

ვბრძანებ:

- დამტკიცდეს „შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების წესი“ დანართი N1-ის შესაბამისად;
- წინამდებარე ბრძანება ძალაში შევიდეს ხელმოწერისთანავე.

დირექტორი

ლრა ბერუაშვილი



შპს „თეგეტა აკადემიის“
დირექტორის 15/08 /2018 წლის N09 ბრძანების
დანართი N1

შპს „თეგეტა აკადემია“

შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების
წესი

ქ. თბილისი

2018 წელი

მუხლი 1. ზოგადი დებულებები

1. წინამდებარე წესი ადგენს შპს „თეგეტა აკადემიაში“ (შემდგომში - „აკადემია“) სწავლის საფასურის ოდენობას, მისი გადახდის, განაწილებისა და შემცირების წესს.

მუხლი 2. სწავლის საფასურის ოდენობა და გადახდის წესი

1. სწავლის საფასური განისაზღვრება თეგეტა აკადემიის მიერ წინამდებარე წესის დანართი N1-ის შესაბამისად;
2. სწავლის საფასური არის აკადემიის მიერ დადგენილი გადასახდელი, რომელსაც პროფესიული სტუდენტი (ან მისი მშობელი/კანონიერი წარმომადგენელი) იხდის შესაბამის პროფესიულ საგანმანათლებლო პროგრამაზე სწავლისათვის.
3. სწავლის საფასურის ოდენობა პროფესიული საგანმანათლებლო პროგრამების მიხედვით შეადგენს:
 - ა) ძრავის შეკეთების პროფესიულ საგანმანათლებლო პროგრამაზე- 1710 ლარს;
 - ბ) სავალი ნაწილის შეკეთების პროფესიულ საგანმანათლებლო პროგრამაზე - 1740 ლარს;
 - გ) ელექტრო და ელექტრონული სისტემების შეკეთების პროფესიულ საგანმანათლებლო პროგრამაზე - 2430 ლარს.
4. სტუდენტი ვალდებულია წინამდებარე დოკუმენტითა და პროფესიული სტუდენტის სასწავლო ხელშეკრულებით განსაზღვრული წესისა და ვადების შესაბამისად გადაიხადოს აკადემიის მიერ დადგენილი სწავლის საფასური. პროფესიული სტუდენტი ვალდებულია პირველადი შენატანი განახორციელოს სასწავლო ხელშეკრულების გაფორმებისთანავე.
5. სწავლის საფასურის გადახდა ხდება უნაღდო ანგარიშსწორების წესით, შპს „თეგეტა აკადემიის“ საბანკო ანგარიშზე. ანგარიშის რეკვიზიტები მიეთითება სასწავლო ხელშეკრულებაში.

მუხლი 3. სწავლის საფასურის განაწილება

1. პროფესიული სტუდენტის აქვს სწავლის საფასურის მთლიანად და ასევე ეტაპობრივად გადახდის უფლება.
2. სწავლის საფასურის ეტაპობრივი გადახდა ხდება შემდეგი წესით:
 - მსუბუქი ავტომობილის ძრავის შემკვეთებლის პროგრამაზე პირველი შესატანი 210 ლარი და დანარჩენი ათი თვე ყოველთვიურად 150 ლარის ოდენობით;
 - მსუბუქი ავტომობილის სავალი ნაწილის შემკვეთებლის პროგრამებზე პირველი შესატანი 240 ლარი და დანარჩენი ათი თვე ყოველთვიურად 150 ლარი;
 - მსუბუქი ავტომობილის ელექტრო და ელექტრონული სისტემების შემკვეთებლის პროგრამაზე პირველი შესატანი 330 ლარი დარჩენილი 21 თვე 100 ლარი, მ.შ. თეორიული სწავლებისთვის 9 თვე 100 ლარი და საწარმოში ყოფნის პერიოდი 12 თვე 100 ლარი;
3. იმ შემთხვევაში, თუ პროფესიული სტუდენტის ან მისი მშობლის/კანონიერი წამრმომადგენლის მიერ დაირღვევა სწავლის საფასურის ეტაპობრივი გადახდის გრაფიკი, აკადემიას უფლება აქვს მოსთხოვოს მას სწავლის საფასურის დარჩენილი ოდენობის ერთიანად გადახდა.

მუხლი 4. სწავლის საფასურის გადაუხდელობის შედეგები

1. სწავლის საფასურის გადაუხდელობის შემთხვევაში, პირს შეუჩერდება პროფესიული სტუდენტის სტატუსი.
2. შეჩერებისთვის დადგენილი მაქსიმალური ვადის უშედეგოდ გასვლის შემთხვევაში პირს შეუწყდება პროფესიული სტუდენტის სტატუსი.

3. პროფესიულ სტუდენტს, სტატუსის შეჩერების შემთხვევაში გადახდილი თანხა არ უბრუნდება, თუმცა სწავლის გაგრძელებისას ჩაეთვლება სწავლის საფასურში;
4. სწავლის საფასურის გადაუხდელობის ან სხვა საფუძვლით სტუდენტის სტატუსის შეწყვეტისას, სტუდენტს გადახდილი სწავლის საფასური უკან არ დაუბრუნდება;
5. პროფესიული სტუდენტი, რომელსაც შეუწყდება სტუდენტის სტატუსი, ვალდებულია გადაიხადოს მასზე დარიცხული ფინანსური დავალიანება.

მუხლი 5. შეღავათები სოციალურად მოწყვლადი პროფესიული სტუდენტებისთვის

1. თეგეტა აკადემიაში სოციალურად მოწყვლადი სტუდენტების მიმართ მოქმედებს სწავლის საფასურის შემცირების წესი.
2. სოციალურად მოწყვლადი პროფესიული სტუდენტების კატეგორიაში შედიან სოციალურად დაუცველი ოჯახების მონაცემთა ერთიან ბაზაში რიცხული პირები, შშმ და სსსმ პირები.
3. სოციალურად მოწყვლადი სტუდენტის სტატუსის მიღების მიზნით პროფესიული სტუდენტი (ან მისი კანონიერი წარმომადგენელი) განცხადებით მიმართავს აკადემიის დირექტორს, რომელსაც თან დაურთავს:
 - ა) პირადობის დამადასტურებელ დოკუმენტს;
 - ბ) არასრულწლოვნის შემთხვევაში, ასევე, კანონიერი წარმომადგენლის პირადობის მოწმობასა და კანონიერი წარმომადგენლობის დამადასტურებელ დოკუმენტს (დაბადების მოწმობა/სხვა კანონამდებლობით განსაზღვრული დოკუმენტი);
 - გ) სოციალურად დაუცველობის შემთხვევაში - სოციალურად დაუცველი ოჯახების მონაცემთა ერთიან ბაზაში რეგისტრირებული ოჯახის მოწმობას;
 - დ) შშმ პირის შემთხვევაში - შშმ პირის სტატუსის დამადასტურებელი საბუთის ასლი;
 - ე) სსს პირის შემთხვევაში - საქართველოს განათლებისა და მეცნიერების სამინისტროს მულტიდისციპლინური გუნდის ან/და ექსპერტთა გუნდის დასკვნა;
4. დირექტორის ბრძანებით, სასწავლო ხელშეკრულების გაფორმებამდე, პირს ენიჭება სოციალურად მოწყვლადი სტუდენტის სტატუსი.
5. სოციალურად მოწყვლადი სტუდენტის სტატუსის მიღების შემთხვევაში პროფესიულ სტუდენტს სწავლის საფასური შეუმცირდება **10%** - ის ოდენობით და შესაბამის სასწავლო ხელშეკრულების დაფიქსირდება სწავლის საფასურის შემცირებული ოდენობა.

მუხლი 6. წახალისების სისტემა

1. თეგეტა აკადემიაში მოქმედებს პროფესიულ სტუდენტთა წახალისების სისტემა. კერძოდ, „შპს „თეგეტა აკადემიის“ პროფესიული სტუდენტის სტატუსის მოპოვების, შეჩერების, შეწყვეტის, მობილობისა და მიღებული განათლების აღიარების წესი“-ს მე-2 მუხლის მე-2 პუნქტის შესაბამისად ჩატარებულ უცხო ენისა და ზოგადი უნარების გამოცდებში/ტესტებში მიღებული ქულების დაჯამების შედეგად შედგენილი სიის საფუძველზე შედგება წახალისებული სტუდენტების სია, რომელშიც შევა საუკეთესო შედეგების მქონე სამი პროფესიული სტუდენტი.
2. აღნიშნულ სიაში შემავალ პირებს სწავლის საფასური შეუმცირდებათ შემდეგი წესით:
 - ა) უმაღლესი შეფასების მქონე პროფესიულ სტუდენტს - 30 %-ის ოდენობით;
 - ბ) II ადგილზე მყოფ სტუდენტს - 20 %-ის ოდენობით;
 - გ) III ადგილზე მყოფ სტუდენტს - 10 %-ის ოდენობით;

მუხლი 7. დასკვნითი დებულებები

1. წინამდებარე წესი ამოქმედდეს დამტკიცების დღიდან.
2. შპს „თეგეტა აკადემიაში“ სწავლის საფასურის განსაზღვრის, გადახდის, განაწილებისა და შემცირების წესის“ გაუქმება და მასში ცვილებებისა და დამატებების შეტანა ხორციელდება აკადემიის დირექტორის ბრძანებით.

დანართი N1

შპს „თეგეტა აკადემია“

କ୍ଷ. ତଥିଲୀଶ୍ଵର

06 მაისი 2019 წელი

ბრძანება N 087

„შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების წესის დამტკიცების შესახებ“ შპს „თეგეტა აკადემიის“ დირექტორის 2018 წლის 15 აგვისტოს №9 ბრძანებაში ცვლილების შეტანის შესახებ

02.11.2017 წელს დამოწმებული (სანოტარო მოქმედების რეგ. N: A171287872) შპს „თეგეტა აკადემიის“ წესდების 7.1, 7.3 და 7.7. მუხლების შესაბამისათ

ვბრძანებ:

1. შევიდეს ცვლილება „შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების წესის დამტკიცების შესახებ“ შპს „თეგეტა აკადემიის“ დირექტორის 2018 წლის 15 აგვისტოს №09 ბრძანებაში და ბრძანებით დამტკიცებულ შპს „თეგეტა აკადემიის“ სწავლის საფასურის განსაზღვრის, გადახდის, განაწილებისა და შემცირების წესის მე-3 მუხლის „4. გამონაკლის შემთხვევაში, პროფესიულ სტუდენტს მძიმე მატერიალური მდგომარეობიდან გამომდინარე, შესაძლებელია განხსაზღვროს სწავლის საფასურის ამ წესით დადგენილი გრაფიკისკან განსხვავებული გრაფიკი. აღნიშნულის თაობაზე, ინდივიდუალურ შემთხვევებს განიხილავს და გადაწყვეტილებას იღებს აკადემიის დირექტორი, პროფესიული სტუდენტის დასაბუთებული წერილობითი მომართვის საფუძველზე.“
2. წინამდებარე ბრძანება მაღაში შევიდეს ხელმოწერისთანავე.
3. ბრძანების შესრულებაზე კონტროლი დაევალოს შპს „თეგეტა აკადემიის“ დირექტორის მოადგილეს ალექსი ჩიბარაშვილს.



ଡିର୍ବେଳ୍ଟିଓର୍ବ
~~ନ ହୁଏ~~
ଲୋକାଙ୍ଗାଶ୍ଵିଲୀ